



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. P. Sebastiani Henrici Penzingeri, Consistorialis
Passaviensis, Decani, & Parochi in Trauttmanstorff ad
Laitam Bonus Ordo Triplicis Formatae Concionis Moralis In
Omnia Festa Sanctorum In Amplissima ...**

Penzinger, Sebastian Heinrich

Solisbaci, 1698

Disc. XX. Phœnix Amoris Maria est. Perfecto, ac intensissimo amore, Maria
amavit Deum; elegantibus Conceptibus probatur.

[urn:nbn:de:hbz:466:1-51763](https://nbn-resolving.org/urn:nbn:de:hbz:466:1-51763)

DISCURSUS XX.

*Charitatē in Deum ardentissima Virgo Maria
speculum fuit Justitia, perfectio Virtutum.*

Charitatem Apostolus Vinculum perfectionis intitu-
lat, eamque suis præ omnibus specialiter recom-
mendat, scribens: *Super omnia Charitatem habete,
qua est Vinculum perfectionis.* ex quo contextu Do-
ctor Angelicus S. Thomas de Aquino secundâ secundæ. Quæst.
184. Art. 1. concludit, mensuram perfectionis, in quovis
homine, ex charitate in Deum desumendam esse, ita ut is
perfectior, virtuosior, ac justior esse censendus sit, qui cæteris
ardentius Deum diligit. *Omnis christiana Virtutis perfectio, se-
cundum Charitatem attendenda est.* Virgo Maria Dei Genitrix
supra omnes homines charitate in Deum ardentissima erat,
ipsam ergo speculum justitiæ, exemplar virtutum, perfectionis
christianæ normam proponere, dignum duximus. A sententiis
SS. Patrum, probationis principium sumamus. *Quidquid cordis
est, quidquid mentis, quidquid virtutis humana, si totum adhibeas,
nō sufficit, ut cogitare valeas, quanto indefinenter cremabatur ar-
dore pii amoris, quantis movebatur repleta Spiritu S. cælestium se-
cretorum incitamentis, quam totam incanduerat divinus amor, ita
ut in eâ nihil esset, mundanus quod violaret affectus, sed ardor
continuus, & ebrietas perfusi amoris.* scribit S. Ecclesiæ Doctor S. Hiero-
nymus. Tom. 9. Epist. de Assumpt. B. V. ad Paul. & Eu-
stoch. *Fuit beata Virgo cælum igneum, propter ardentissimam
charitatem; sicut enim ignis est in summo calidus, sic Domina no-
stra fuit charitate in summo ardentissima, qua nec primam simi-
lem visa est, nec habere sequentem.* docet Doctor seraphicus S. Bonaven-
tura. Tom. 3. serm. 1. de B. V. *O cor virginæum amo-
ris igne succensum! ô sacra viscera velut clibanus candentia, &
ardent-*

Exordium.

SS. Patres.

S. Hiero-
nymus.

S. Bonaven-
tura.



S. Thomas
à Villà Novà

ardentia velut Seraphim! ò sacrum pectus, quo ardens in-
flammaris! ò tenerrimum corpus, quomodo tanto calore non
rumperis? quis tuos, ò Virgo! ardores, mentis excessus, dignus
faciat explicare eloquio, aut comprehendere cogitatu? exclaimat
præ admiratione S. Thomas à Villà Novà. Conc. 2. de Nat. B.
V. *Divinis ignita colloquiis, tota effecta es velut ignis, seip-
locustum Deo suavissimum obtulisti. alloquitur Virginem S.*

S. Amadeus

Amadeus. Hom. 6. de B. V. *Quid? an non te fornax illa de-
signavit, qua ignem simul & refrigerantem & inflammantem
ostendebat, diviniq; illius ignis in te habitantis typum gerebat.*

S. Joannes

Damascen⁹
S. Antonin⁹

disertissime perorat S. Joannes Damascenus. Orat. de Do-
mit. B. V. finem imponit S. Antoninus. Part. 4. Tit. 15. cap.
44. §. 9. Discursu sequenti. *Charitas beata Maria nunquam
potuit cessare, quod ostenditur per hoc: quia charitas non potest
cessare nisi per mortale peccatum, sed ipsa nunquam potuit peccare
mortaliter, quia in utero sanctificata, antequam posset peccare,
per ipsam sanctificationem ita fuit confirmata in gratia, & chari-
tate, quod postea peccare non potuit, etiam venialiter, unde non
amittere charitatem. O charitate ardentissima Virgo! im-
tra nobis gratiam Spiritus S., quâ te vivum justitiæ speculum,
profundis Conceptibus inspicere, juxta hoc exemplar virtu-
tum, vitam nostram instituere, secundum hanc perfectionis
normam, ad beneplacitum divinum actus nostros dirigere ve-
lemus.*

CONCEPTUS I.

Confirma-
tio seu De-
ductio.

Ut dignum Deo templum ædificaret sapientissimus simul
ac ditissimus regum Salomon, omnia auro tegi voluit. 2. Reg.
6. cap. *Nihil erat in templo, quod non auro tegetur. Quid per
aurum significari creditis? S. Bonaventura. ferm. 4. de Epiph.
per aurum, charitatem Dei que amorem intelligit, sicut enim
metalla omnia in valore aurum excedit, ita charitas inter vir-
tutes primatum tenet, dicente Apostolo: *major autem horum
est charitas*: Sicut inter metalla, primum est aurum; sic etiam
juxta D. Thomam 1. Part. Quæst. 36. Art. 2. *Primum, quod dicitur**

est amor, quo volumus alicui bonum. Mariam Virginem, templum Salomonis nominat S. Brigitta. Lib. 3. Revelat. c. 29. *Tu benedicta Virgo templum es Salomonis.* Nihil erat in hoc templo, quod non auro tegetur, omnia ejus membra charitate in Deum repleta erant, scintillabant oculi, genæ rubebant, vaporabant membra, cor integrum in Deum exarsit. Testem agit S. Bernardus. serm. 29. in Cant. *Est sagitta electa amor Dei, qui Maria animam non modo confixit, sed etiam pertransiit, ut nullam in pectore Virginali particulam reliquerit, sed toto corpore, totâ animâ, totâ virtute diligeret, & esset gratiâ plena.* Bernardo Bernardinum Senensem subjungo. serm. de Exaltatione B. V. in gloriâ. art. 2. cap. 1. *Tanta enim fuit dilectio, quâ beata Virgo, etiam in vitâ presenti Deum dilexit, quod omnes amores presentis vitæ, præteriti, presentes, atq; futuri, respectu hujus sunt quasi luna sub pedibus ejus.* Luna signum firmamenti frigidum est, omnes ergo excogitabiles amores, ad Mariæ amorem in Deum positi, frigidi sunt, & exigui. En quàm arcto perfectionis vinculo, Virgo Deipara, Domino astricta est, quæ omnes in terris amores, ignita transcendit.

CONCEPTUS II.

Quoniam sanctissima Virgo, audito, de Conceptione, ac partu Filii sui, angelico nuntio, modum, quo mater simul & Virgo esset, capere nequaquam poterat, ut quæ Virginitatem suam constanter custodiendi decreto firmiter adhærebat, idcirco angelus his eam affatus est Verbis. *Spiritus Sanctus superveniet in te, & virtus Altissimi obumbrabit tibi.* Lucæ 1. cap. Supervenientem Spiritum S. in Virginem non adeo miror, etenim ad tantam, ac tam mirabilem maternitatem, supernaturali ac divino artifice opus erat, sed quid tanta obumbratio? refrigerentem umbram, contra nimi usolis ardorem, & adreprimendam caloris vehementiam inquit homo; si igitur à virtute Altissimi obumbrari Virginem benedictam oportuit, amoris calore fervidam, & charitate in Deum ardentissimam fuisse censendum est. *Nolite (inquit) me considerare, quod suscipiam, quin decoro*

coloravit me sol. Cant. 1. cap. Quis te fuscā fecit, o spes omnium pulcherrima? unde tantus tibi ardor? sol, inquit, justitiæ, sol ille flagrantissimus, intus & foris ita totam me irradiavit, ut fusca appaream præ calore, fusca sum fateor, sed formosa, ardentissima, sed amore, ideo dilexit me rex, decoloravit me sol justitiæ, Christus JESUS, ad temperandum mutui hujus amoris in JESU & Mariâ ardorem, quem aliàs cor Virginis vehementiorem ferre non poterat, virtus Altissimi obumbravit eam. Consideratio est S. Thomæ de Villâ Novâ. Conc. 2. de Nat. B. V. *Angelus hujus flagrantissimi ardoris præsciis ad Virginem nostram Spiritus sanctus superveniet in te, & virtus Altissimi obumbrabit tibi: noli ergo timere filia Jerusalem, noli expavescere, nam Spiritus sanctus ad te venerit, & virtus Altissimi obumbrabit tibi, ut tanti solis ardorem valeas sustinere, & qui alios solet illuminare, tibi obumbrabit, ut divini luminis ardorem temperet, & fulgorem.* Habes nunc Maria, o homo! justitiæ speculum, illud inspicere, atque in JESUM Christum, verum justitiæ solem, devotus contem- plare.

CONCEPTUS III.

Ab ipsâ experientiâ, convenientissimè deduci potest, in suum ac Unigenitum Dei Filium, Virginem Dei Matrem, in comprehensibili amoris magnitudine exaruisse: an non bene animantia, & vel maximè gallinapullos suos adeo diligit, ut amoris vehementiâ langueat, & infirmetur? num adeo debilis esse valet proles, cui non affecta sit mater, quia caro & sanguis ejus est? de Christo Unigenito Dei, & Mariæ Virginis Filio canit David, Psal. 44. *Speciosus formâ præ filiis hominum.* Princeps Apostolorum S. Petrus, Epist. 1. cap. 1. *In quem desiderant angeli prospicere.* Formemus jam prudentem dicitur sum: quævis mater tenerè amat fructum ventris sui, carum deformem, quia caro & sanguis ejus est; JESUS Christus Unigenitus Filius Dei vivi nullatenus deformis, sed speciosus formâ præ filiis hominum, in quem desiderant angeli prospicere, carnem & sanguinem sumpfit de Virgine, verus ejus Filius, &

benedictus fructus ventris eius est, ergo Maria Virgo, Dei Mater suum & Unigenitū Dei Filium, summè, tenerrimè, ac sine comparatione amavit vehementissimè. Confirmat conclusionem Bernardinus de Busto. in Mariali. Part. 4. ferm. 2. * *Amabat Virgo virginum, Christum amore natura, ut Mater filium; amore amicitie, ut Creatura creatorem; amore gratie, ut preservata & redempta Salvatorem suum; intimus autem amor fuit Matris ad Filium, quòd ipsa tota erat in amorem conversa, sicut ferrum missum in ignem, totum efficitur ignis.* O quàm pretiosum exemplar virtutum, Virgo Dei amantissima! discamus ab illà, amare Deum, amore amicitie, ut creaturæ Creatorem; amore gratie, ut redempti Salvatorem.

CONCEPTUS IV.

Magnus ille amor est, quo usque ad languorem homo exardescit; maximus autem, qui hominem præ amore mori facit: an autem talis amor in creatis dari possit, quæstio non inanis est? affirmativam tenet B. Albertus Magnus, atque in Deum charitate mortuam fuisse Virginem Deiparam, & charitate flammeam, innato ignis impetu, in cælum assumptam tuetur integro discursu super Missus est. Quæst. 131. *Quidquid aptum natum est, inducere languorem, si continetur, & intenditur, potest inducere mortem, sed amor potest inducere languorem, ergo & mortem: minor patet, Cant. 2. sponsa dicente: quia amore languo: ubi glossa: præ amoris magnitudine omnia temporalia fastidio: ex his patet, quòd beatissima Virgo, præ amore & sine dolore mortua fuerit.* O quàm felices (exclamat S. Bonaventura, ferm. 1. de B. V. tom. 3.) *qui hunc igni cælesti approximant, ut ejus incendium ad se trahant.* confirmat S. Laurentius Justinianus, ferm. in assumpt. B. V. *Nullus, ut arbitror, ardorem Virginis sufficit explicare, quanto desideriorum cremabatur incendio, quàm crebris suspiriis angebatur, quàmq; suavissimis cogitationibus exercebatur: detinebatur tantùm in saculo corpore, affectu autem & mente commorabatur in cælo: quamobrem resolutionis carnis*

im-

*imminente articulo, sicut ab omni mentis & corporis corruptione
exstitit libera, ita & à mortis dolore aliena.*

Epilogus.

Charitate in Deum ardentissimam Mariam Virgine
Dei Matrem, intelleximus; cum ergo charitas in Deum iuxta
Apostolum, & S. Thomam mensura perfectionis sit, perfectis-
simam quoque, ultrò non dubitabimus, de qua proinde pon-
sus canit: *Una est perfecta mea.* Cant. 2. cap. non quòd alie
sanctorum animæ nullum perfectionis atigerint gradum, sed
quòd gloriosissima cœlorum Regina, sicut charitate, ita etiam
perfectione omnem transcenderit creaturam, originaliter
faltem, si non actualiter peccaminosam & imperfectam: ipsa
sola originaliter & actualiter perfecta est, & sine omni pecca-
to originali, actuali, mortali & veniali fuit, ex integro bona,
nusquam defectuosa, ipsa sola Virgo peperit, & post partum
Virgo permansit; ipsa sola supra omnes erecta, Domino im-
mortalis ancilla servivit, ipsa sola Christo compatiens in animi
transfixa, & longè plus cæteris hominibus in terris passa, atque
ideo cunctis altius elevata in gloriâ. Ad te sunt preces no-
stræ cum devotissimo famulo tuo Lanspergio Theoria. O
*dulcissima Domina! vulnera, accende, reple cor nostrum amo-
re tui castissimo, ardentissimo fidelissimo, charitateq; perfectissimo,
ad Deum & proximum: portemus te semper in corde nostro,
musq; semper, ac indelebiter scripti in corde tuo: exaudi nos,
Domina! Amen,*

*Erga Creatorem, fers summum Mater amorem
Sacrum, quod te capit, flamen ad astrum
rapit.
Tu cordi Christi, tota inflammat a fuisisti,
Cor doce, Virgo! meum, semper amari
Deum.*

DI.